

UNAMUNO'RI (1)

(Bere jaiotzaren eun urte
betetzean)

(II)

Au dala,
ori dala?
Arteztuz
aal dala.
Zeuregan
murgildu
ta metamorfosis alegindu,
oldartu
nortasunera nairik biurtu;
arkitu
adimendu
ta goratu;
maitatu...
Lordindu,
galdu...
bukatu.

Barkatu?

U!
Auzitu
Bera ta zu.

Au dala,
ori dala?
Naspil dala?
Orreġa ebillen
zure kabala.

Ondikotz
egoki

(1) *Lan onen lenengo zaita Olerti-n argitaratu zan 1960'ko (II'gn. urtea, Urrilla-lotazilla) 208'garren orrialdean.*

zetorkizun ori.
Zergaitik?

Nori
zori
ori?
Zuri?

Zergaitik
ordea?

Pekatari
iduri,
agiri?

Nork landu zuan
bustin ori?

Biotzak komeni
aurrez-aurre
ta egiz-egi
mintzoki
solaski,
zintzoki
alkarki
biok bakarti.

Ixilki?
ezdala zillegi?

Argi
ta ez gezurri
muñaren barruti.
Tati
tati,
beti
tati.

Dago?

Bada, dago?
Ta, dalarik ez dago.
Au ulerkaitzago.
Kalte biontzako.

Dalarik arantzez,
—irudimen luzez,
ulermen motzez—

lurretik sortzez
inguru latzez
utsez.

Bidez,
zentzu, maltzurkidez.
Nekez
ez bearrez.

Errazoi likiñez?
Aditze miñez;
legez,
aienez!
illez.

Badala
ta eztala,
ala ola?
joanaz doa...
nora...?
...ñora?

Zorabioa
buru beroa
ta tulunbioa
gogoa,
doa
oraingoa.
Oa!
...?
Goa?
...?
Geroa
...?
loa?

III

Begiak itsu eta
aul jakituria;
orrela omen dugu
geroko gloria.

Amesai, esnatuta,
joan zaio loria.
Au da mundu ontako
komeri gorria.

Zutiñik tinko ziñan
zeure magalian
erabagi gaitzeko
auzi gogorrian.
Biotzaren aldetik
sentipen miñian,
itxaropen bizia
il ondorenian.

Gizon landuak iñoiz
eztu zentzu utsa,
zurean baebillen
arimaren funtsa;
barnetikan ukakor
errazoi malmutza:
etsipena, agian,
gizonan gurutza.

Otsalar

NI BAÑO LEN ERE...

Ni baño len ere
beste batzuk zapaldu zuten lur au.
Ni baño len ere
materiaren argi-leio ontatik begira zuten.
Ni baño len ere
gauza suntzikorrak ikutu zituzten.
Ni baño len ere
kezkaz larri-minduak ziran.
Ni baño len ere...
Baña, nere zainetan dabillen odol au,
itzal izigarri ontan, nerea dut.